

古今攷

漢書門			
類	號	函	架
二七七〇	一三五	二	一六
冊	架	函	號


內閣文庫			
漢書	二七七〇	一三五	三〇七
冊	架	函	號

307

雜家四三

內閣文庫		
番號	漢	2770
冊數	16	( 1 )
函號	307	132

307-132





宋魏鶴山先生

謝衙藏板

生古今攷

淺草文庫

重刻古今攷序

古今攷一書南宋魏

鶴山先生所撰其門

人紫陽方氏續成之





有元泰定刻本至我  
明無重刻故學士家  
鮮道及此書者萬曆  
間吳王洪州先生督

學楚中出秘本刻之  
板留官庫印行絕少  
余令嚶城偶得是書  
欲繕刻以廣其傳未



果也苦塊餘生以較  
讐架書遣日因出是  
書加訂正付梓以成  
余志而爲之序曰士

生漢唐以後思致信  
三代之典禮以證六  
籍之遺文非得深心  
稽古之儒博辯而詳



說著之於書使有所  
折衷蓋亦難言不惑  
矣此道自先師聲振  
述作之間獨以信好

師古爲學者見聞擇  
識之法至晦菴先生  
尊行其學於上古禮  
樂制度器數名象討



論之功獨多其後厲  
禁僞學大儒稽古之  
書多過絕不傳西山  
真希元先生起而與

同志講習紹明之鶴  
山與之並世同方一  
志其所著述固足互  
相表裏乃西山衍義



讀書記盛行於代鶴  
山志意將見於古今  
攷一書而未竟其業  
手筆藏于次子靜齋

安撫賴門人追述以  
傳其視西山又誠有  
幸不幸之感矣其書  
大指以三代遺制變



壞於周衰滅失於秦  
漢至魏晉以降名物  
稱謂字義音釋盡亡  
無攷於是卽史漢所

紀隨文辨證使後學  
得以攷知古今異同  
之變其有功於先王  
典禮并足以闡釋經



籍承襲之謬。鑿爲後  
學見聞擇識之助。信  
無以過也。嗟乎俗學  
溺人剝獵成習。士不

通知博識。極古今變  
通之故。欲出而談學  
問之事。成身世之務。  
可謂求盛其枝葉而



忘本根之非據也矣  
昔人嗜學之篤遇未  
見書手抄以讀食精  
吐餘務得其用今世

搜雕隱異充溢市肆  
無過足供人士餽飭  
輦輓資卽人士稱好  
古淹博之學亦不過



剽襲涉獵掇拾爲辭  
章役使已耳西山讀  
書記成語門人曰此  
人君爲治之門苟有  
用我執此以往而大  
學衍義垂諸功令列  
之學宮當世之士能  
熟精其書經緯身世



誠未數數見也然則  
學術簡陋當無甚於  
今世而有志爲寔學  
扶衰起敝則此書在

今日誠不可不與讀  
書記衍義並傳昔宋  
景濂學士嘗自敘其  
借書筆錄風雲深山



從鄉先達執經叩問  
之勤苦今廣傳是書  
使人士臨文致信討  
求先代典制之遺折

衷其異同而不亂於  
六籍承襲之謬蓋無  
筆錄之勤而辭叩問  
之苦資發寔學以矯





華時俗之固陋其功  
在當世誠不止稱鶴  
山忠臣爲王洪州推  
廣造士雅意已也若

夫是書辨晰所未盡  
有俟於學古信好者  
若丘文莊之補衍義  
則余不能無望於讀



是書者矣崇禎丙子  
冬十一月勾章謝三  
賓謹述

夫是書



本盡

魏鶴山先生古今攷自序  
敘曰渠陽山中暇日編校經傳自兩漢諸儒去古未  
遠已不能盡識三代遺制凡冕服車旗類以叔孫通  
所作漢禮器制度為據其所臆度者無以名之則曰  
猶今之某物然孔賈諸儒為之疏義則又謂去漢久  
遠雖漢法亦不可攷因嘆三代遺制始變于周末大  
壞于秦漢而盡亡于魏晉以後雖名物稱謂字義音  
釋亦鮮有存者故使經生學士白首窮經而疲弊于



訓詁估畢之未有終其身而不能盡知者嗚呼是誰  
之咎歟解之繇曰無所往其來復古有攸往夙昔漢  
承秦弊大難既解是無所往也而昧于來復夙往之  
戒徒能隨世就事為秦漢以後規模賈誼所謂建久  
安之勢成長治之策蓋欲及時定制盡復三代之舊  
為萬世太平計而一時君臣不足以知此至董仲舒  
王吉則寔遠寔陳蓋自是人情習于簡陋古制蓋不  
可攷矣姑卽漢紀隨文辯證作古今攷

古右鶴山先生初藁所撰先生次子故大府卿浙西  
安撫使知臨安府靜齋先生家藏回客門下自淳  
祐十二年壬子于知吾州時入書塾咸淳丁卯國  
子正遭論寄家于先生之鶴山書院秋九月借親  
筆繹觀遂錄諸此所謂古今攷者僅成二十則而  
未竟所以今大全集不載謹錄二十則者於後以  
見夫前輩讀書用功有如此者而亦以見夫此書  
之不成遂使後學無繇攷知古今異同之變為可



惜也靜齋謂鶴山之意以漢最近古用班固書帝  
紀隨句解釋則知古制之所以變者在于周制及  
秦而古制之所以不復者在乎漢之因秦之陋善  
學者從是而推之亦可髣髴其遺意云紫陽方回  
書玉堂集序云夫古之制山者其制也  
古今攷原序終

周文英暨嗣君詩序二章 附詩言卷末亦不例  
秦定甲子佐監官幕侍知州中全方公實紫陽  
虛谷先生冢子荷授先生抄類晦菴朱文公文  
集洎續鶴山魏文靖公古今攷三十八卷歸吳  
休暇中得竟披閱成類語四十韻敬書于後天  
曆曆維大荒落孟冬東吳後學紫葦子周文英  
拜手謹識  
三五道遼邈喪弊餘微踪蒼姬景運新文武揚仁風



禮樂興人心仁義孚天工紱麟縱將聖正始開韻蒙  
日月並照耀岱嶽同尊崇永永千萬年人極光明中  
春秋季紛華鄒魯聲相從七篇著仁義金玉音和同  
痛我值嬴商阡陌聞西東焚坑愚黔黎塗闕道盲聵  
獨存博士書為我專明聰固強通自賊短促旋罹凶  
災劉先入閔約法名徒工不能屏酷孽克復周道隆  
鄙我蕭張傳圖籍收惚惚無人拯全經併入楚炬紅  
至今堯舜謨學者虧完功忠良皓首悲暴露赤子恫

庶幾漢唐下理亂多岌隆薄海中神州離合分衡從  
反復畔車書頃刻連兵戎異端競喧囂竺老爭豪雄  
斯道不終否有此昌黎翁扶顛力攘斥尋緒勤彌縫  
綿延道脉長錄恡時春冬身假雜玉伯鮮克成始終  
偉哉炎沛昌際會瞻昂顛春陵太極原河洛時中庸  
性理啓天彝誠敬臨民衷士風伊濟濟聲教幾雍雍  
懃哉舒荆徒新法森芒鋒經傳僻異立春秋破弊攻  
靖康德祐禍端由是秧種始糝秦政淫終紐荆法逢



征翰困苛虐生庚終疲癯於昭斐斯文紫陽瞻遵峰  
鶴山爰虛谷氣槩相劇穹攷古以及今琬琰傳無窮  
洙泗濂洛源閔漢徽川宗由水地中行天地同流通

文英子南序

泰定甲子先君文英任監官州幙職時知州方公存  
心乃虛谷先生冢子也間嘗論易蓋以先君深嗜易  
學者也每以魏文靖公十七家易集義爲言謂辭變  
象占乃易綱領而繇象爻象之辭畫爻位虛之別至

一  
反飛伏之說秉承此應之例一有不知則義理缺焉  
文靖公仲子靜齋先生知徽州時嘗以集義與九經  
要義同列于紫陽書院墨本則藏于虛谷家南於特  
旁猶及見之今亦已矣又以漢高之時去古未遠可  
復三代之舊惜乎一時君臣不足以至此遂使古制  
益不可致故卽遷史亦純所載論其得失考禮樂制  
度名教作古今攷及著皇極經世書攷書成而耆耄  
脫藁其未備者則虛谷先生續之知州悉出三藁以



示先君嘆曰當依之學真魏之學大鳴于南北讀書  
記乃義理之本根九經要義乃典故之淵藪誠學者  
所由入之門也今又得觀此書則知文靖公之學  
實真切之學也豈習乎簡陋者可窺測哉遂親較讐  
其故藁俾能書者謄寫二本擇楷正者歸於知州圖  
壽諸梓以次本藏于家後十年知州來吳則知其所  
藏者皆燬于火又十年先君亦奄棄二書卒未能板  
行丙申兵興南家所留經世書攷亦失之僅有存者

古今攷耳竊嘗攷之西山先生真文忠公建寧蒲城  
人鶴山先生魏文靖公邛州蒲江人天下謂之真魏  
同生淳熙五年戊戌同登慶元五年己未進士第同  
顯于朝文靖公以權工部侍郎坐言事忤時相謫靖  
州囚繫間僻日從經史精研極討卧五溪窮處踰七  
年類聚成編遂傳于時然不如是則後世焉得是書  
而讀之耶噫聖如孔子天不使之居周公位大儒如  
濂洛諸賢天亦不使之得行道于一時而使之立言



亦萬世其有以哉南晚生學疎扞下而力有所不逮  
未能卒成先君之志姑以古今攷與世同志者撰寫  
數十本以廣其傳云至正二十一年庚子十二月甲寅  
後學周南拜手謹書于卷末

古今攷目錄

卷一

高帝紀

高祖

姓劉

附論賜姓賜族

附論鄭漁仲族略序附陳宓鄭漁仲通志略

王附鄭渙仲四十略

母媪父大公

隆準龍顏



試吏廷中吏

亭長

王媪武負貫酒千石 何為主吏主進令諸大夫

賀錢萬 媪無中知 媪公好相 媪中無志

高祖為亭長謁呂公 魯元公主 中丸 楚

老父相呂后曰夫人 劉氏冠

高祖送徒驪山 高祖解縱送徒

陳勝起斬 毋媪夢與神通

卷二

班固書寬仁愛人 馬遷書仁而愛人

附論湯體仁長人 附孔子以下六段

附朱子語二十二段 附東萊四段

附程沙隨一段 附方氏一段

附論語第一個仁字 附論語第二個仁字

附愛之理心之德 附論語第三個仁字

附答或問何以致仁 附陳大和仁說

拔劍斬蛇

附廣劍攷

孝祠黃帝祭蚩尤於沛庭 鼙鼓



卷三

旗幟皆赤

附廣旗幟攷

卷四

收沛子弟得三千人

項梁羽田儋榮橫韓廣魏咎自立楚置韓公子

城

楚趙復立王

附魏復立王三人

齊燕復立王

韓復立王而六

泗川監平泗川守壯

道得張良卯

沛公往薛見項梁

其立楚懷王孫心

斬三川守李由

章邯夜銜枚擊殺項梁

徒懷王都彭城

後九月

沛公為碭郡長封武安侯

卷五

呂臣為司徒

上將次將末將

項羽自立為上將軍

二世使使斬楊熊

絕河津

收軍中馬騎



約先定關中者王之 關中

舍人陳恢合上將軍 封南陽守爵侯

項羽封章邯為羅王 攻武關伐秦謀

卷五 峽関 藍田

漢元年冬十月

附東萊書楚義帝 五星聚于東井

酈陸往說秦將連和 沛公至霸上

子嬰降枳道旁 素車白馬係頸以組

皇帝璽符節

附攷五王 附攷玉剛卯

卷六

西入咸陽欲止宮林舍

附攷奏漢唐后夫入名

蕭何盡收圖籍文書 約法三章

附論蕭何九章 廣律令攷別見

餘悉除去秦法 吏民皆按堵如故

項羽破函谷関至戲 亞父使人望沛公氣

羽兵四十萬號百萬 項羽夜馳見沛公



沛公約項伯謝項羽

項伯曹無傷亦公

使張良獻璧獻玉斗

宗文外八室敬令居

附見俘厥寶玉

附見璇璣玉衡

范增生玦於此

武都令好此

附致玉佩

此志三章

鴻門獻玉稱為更漢不同

此志三章

附致舟玉及璠

附左傳佩玉藥

卷六附朱文公說佩

卷七

附致玉佩

附廣玉致上

玉字玉篇大裘冕玉

冕玉全毳冕玉希冕玉

公冕玉侯鷩冕玉伯鷩冕玉

子男毳冕玉王三公冕玉

王大夫希冕玉諸侯再命大夫玉

王笄玉衡玉璜玉佩

珩璜琚瑀玉路玉弁

王后首玉服玉幣玉幣玉帛







受玉還玉 觀禮受玉還玉 聘義貴玉  
禹貢貢玉 顧命陳玉 水氏著詩之

瓊 總論詩書所引玉

卷九

西屠咸陽殺秦降王子嬰 懷王曰如約

項羽分天下一帝十九王 諸侯罷戲下各就國

附攷冬夏春秋月 漢王從杜南入蝕中

棧道 漢王欲攻羽丞相蕭何諫

羽使卒三萬人從漢王 楚子諸侯人之募從者

張良辭歸韓信 設壇場拜韓信大將軍

卷十

留蕭何收巴蜀租給軍食 附秦漢丞相太尉等攷

附商周相三公六卿攷 附少府禁錢及銅錢說

漢王還定三奏 田榮殺膠東王田市

項羽殺韓王成 張良遺項羽書

項羽弒義帝 張耳走降漢

河南王申陽降置河南郡 韓王鄭昌降



歸都櫟陽 以萬人若一郡降者封萬戶

繕治河上塞二年十一月 附花園園池令民得田之

即附漢武花園游獵致 附羅氏致鹿與女致

卷之二 田桑耕界東王田市

令民除秦社稷立漢社稷 國社 置社 民社

附社稷名義致 大社 附勝國之社致

附社稷祭位致 附社木社主致

卷十 附行軍之社致 附王后市社致

附附國人畢作致

附郊社之辨致 附社即祭地致

附鄭玄不辨地社致 附上帝五帝致

附東萊太丘社亡致 附松榭社靈星祠稷祠致

附附王莽立官稷對官社致 山祭

卷十二 附武帝武功爵致 鄉野老田榮

賜民爵 縣令丞尉

附武帝武功爵致 鄉野老田榮

縣令丞尉

漢王自臨晉渡 陳平亡楚來降



卷十三

平陰津二老董公遮說

仁不以勇義不以力之

悉發關中兵收二河土

田橫立田榮子廣為齊王

劫五諸侯兵入彭城

漢取美人貨賂置酒高會

彭越將三萬人歸漢

彭城之敗

隨何說九江王布畔楚官漢王屯滎陽

關中老弱未傅悉詣滎陽

築甬道取敖倉粟何

酈食其審食其趙食其

魏王豹反為楚

班固削韓信功

還櫟陽立太子

廢丘降章邯自殺

卷十四

令祠官祀天地

四方上帝 祀天地總攷上

卷十五

祀天地總攷下

南渡後郊丘攷

南渡後明堂攷

卷十六

關中大饑米斛萬錢

虜魏王豹置河東等郡

大將騎將步卒將

古人不騎馬附



木罌缶度軍

韓信使人請兵三萬人

附二幸二善四不善

置常山代郡

韓信項羽張良兵法

日有食之

項羽數侵奪漢甬道

酈食其欲立六國後

酈食其張良稱漢王陛下

陳平計間疏楚君臣

王車黃屋左壽縣

廣車輅攷

羽燒殺信

漢出車宛葉

漢王奪韓信軍

卷十七

有星孛于大角

附論秦始皇彗星

附論漢武帝彗星

附論景定甲子七月彗星

項羽置高祖欲殺太公

楚大司馬曹咎敗汜水

酈食其說齊連和

汜水有二不同音

項羽亦軍廣武

立張耳為趙王

田橫自立為齊王奔彭越

卷十八

初為算賦

附廣租稅賦攷上

附論秦孝公初為賦

附論周太宰九賦



附論周太宰九貢

附論周載師任土之法

附夏商周田賦土貢之異

附論漢初租稅

附論古食貨稅賦

附論魯宣公稅畝

附班固計井田百畝

附班固不言井田起軍法

附論魯用田賦

附論漢初起軍法

附論貢助徹皆什一

附論朱文公言貢助徹

附論水地制井田異鄉遂

附論劉皇熊賈貢助徹妄說

附論秦壞井田開阡陌

附論商鞅所以亡秦

附秦本紀書初十七

附秦紀書初六始一

附論秦賦未用錢

附論秦收大半之賦

附論秦力役三十倍於古

卷十九

附廣租稅賦攷中

附高祖田租什五稅一

附漢三十稅一

附論漢文復田租

附論漢賦

附漢當賦即後世折納

附租庸調與兩漢異

附論葉水心非租庸調

附論揚炎兩稅

附論秦斗斛權衡丈尺

附論三代尺不同寸

附秦一法度衡石丈尺



附班固律歷志度量權衡

附近代尺率秤

卷二十一

附論廣租稅賦攷下

附田土租稅賦貢可疑

卷二十二

北貉燕人致梟騎助漢

項羽自知少助食盡

項羽歸太公呂后

附論唐度量權衡

附論古今田畝步

附論古今田畝步

附論古今田畝步

再略記所疑十條

軍士死者吏為棺斂

項羽與漢約中分天下

漢王欲西歸

漢王欲西歸

追項羽至固陵

垓下斬首八萬

項羽死年三十一已生

楚地悉定獨魯不下

附論史漢項羽紀傳贊

以十月為歲首

卷二十三

故項籍臣稱其主名

以彭越為梁王

十二月圍羽垓下

漢軍四面皆楚歌

附政高祖年乙巳生

以魯公葬羽於穀城

封項伯等四人賜姓劉氏

封項伯等四人賜姓劉氏

封項伯等四人賜姓劉氏

還至定陶馳入齊王信壁

懸布之王



赦天下殊死以下

二月甲午即皇帝位

附天皇地皇秦皇土紀攷

殊死再拜自秦始

命為制令為詔自秦始

天子稱朕自秦始

制曰可自秦始

附曲禮天子稱謂攷

尊王后曰皇后

太子曰皇太子

卷三十三

以魯公乘

置酒雒陽南宮

田橫自殺

乘傳

附論廐置百

附論駟乘固

附論詔衛尉

車駕

附論車駕拜行在所

西都長安

六月大赦天下

七月滅秦反九月虜秦

利幾反上自擊破之

附論是年張耳吳芮皆薨

後九月徙諸侯子關中

後九月

治長樂宮咸陽長安

冬十月令天下縣邑城

十二月遊雲夢執韓信

甲申始剖符封功臣

卷三十四

功臣剖符

附周禮八節



漢銅虎符竹使符

東萊論銅虎符

孟子若合符節

英蕩傳

申以丹書之信

重以白馬之盟

附攷白馬盟出處

立劉賈等同姓四王

立劉賈為荆王

立文信君交為楚王

立兄宜信侯喜為代王

立子肥為齊王

高祖同姓王十二人

史記秦漢之際月表

卷二十五

漢書異姓諸侯王表

史記漢興以來諸侯年表

史記諸侯年表與漢書異

齊趙梁淮南之分國

以曹參為齊相國

徙韓王信都晉陽

作元功十八人位次

雍齒什方侯

諸侯得自除御史大夫

作左官之律

設附益之灋

諸侯王初置金璽蓋綬

附攷璽印組綬

漢朝服

張良封留隨入關

夏五月尊太公為太上皇

立大市於長安

立西市

附論棄市



張蒼為計相

附論史記外戚世家

匈奴圍韓王信於馬邑

白登平城地名

附匈奴故大夫

東萊大事記書匈奴名

史記秦始皇本紀見匈奴

圖書亡秦者胡書

附論史記蕭曹五世家

附考史記不得為無失條共三

高帝平城白登之圍

平城陳平奇計

匈奴名始見史記

史記李牧傳見匈奴

趙武靈王初胡服騎射

史記漢書匈奴傳同異

匈奴單于名數

劉敬使匈奴謂不可擊

斬荆使十輩

出奇計馬邑下史漢是非

劉敬和親之策

卷五

叔孫通制禮儀

長樂宮成群臣朝十月

附廣禮儀攷

朝字有虛實之辨

天子外朝之位

若鄭謂外朝在路門外

後鄭謂外朝在庫門外

五門之序不同

正義中言外朝庫誤為中

後鄭謂漢司徒府大會殿



天子諸侯皆有三朝 小司寇三詢外朝之位

天子治朝之位 附揖字攷

玉日視朝皮弁服 諸侯三門其朝位

附禮記九門之說 太僕掌燕朝之位不可攷

面朝後市 天子負依宇而位受朝

戶牖之間為斧依 門屏之間謂之宇

成王顧命之朝位 康王尸天子之位

附王雙溪康王之誥說 王拜受賢能之書

天祝辨九拜作摻 附書稽首據掌

為附書婦人稽顙 明堂位周公朝諸侯之位

朝覲會同宗遇亦服六物

卷二十八 朝覲會同宗遇亦服六物

覲禮今存朝宗遇禮今亡 儀禮覲禮以今文解

古附沙隨程氏論視朝皮弁 覲禮天子不下堂可疑

舜典朝覲二字未分 周官六年五服一朝

覲壇加方明乎止 孟子三不朝之罰

後世朝會宮殿 附論小顏

附秦漢以來宮曰內曰禁 附論秦漢以來屏



卷二十九

叔孫通制禮儀

魯有兩生不肯行

禮畢盡伏置法酒

古邦國致貢不必元日

賓主百拜酒三行

今上壽賜九行之所從來

陳祥道論充獻不同六醕之義

卷三十

瘦吾所能行為之

帝左右素知書者

朝十月朝歲朝正

西漢朝正服不可致

主人膳食于賓

附致祭天七獻

置酒二字亦古

五齊三酒

公酒合錢飲酒

果裸灌

鬱鬯

秬鬯

王后世子養具有四

飲用六清

卷三十一

膳用六牲

附禽者鳥獸總名

禮樂百年積德可興

恬酒

以式法授酒材

白掬杵梧

天地不裸附

六饋食用六穀

附六飲五飲四飲角柶

附庖人六畜六獸六禽

羞用百有二十品



卷二 上大夫庶羞二十品

通掌六牲

卷三 善馬有毒

齊趣馬下士一百八十人

通典馬政具官四

卷三十三 牛以合於充人

六牲馬牛羊豕犬鷄字數

高踪彤日不言牲 共三件

下大夫十六品

凡馬官共十一條六舍

馬肝毒 果下馬

漢時單騎共十六條四

取火自燧人始共三條

用特自舜典始

周武王柴望先祀周廟

祭天燔柴為血腥屬熟

漢五時五帝之始

血腥爛熟之異

小子掌祭祀羊 共五條

羊人掌羊牲

犬人掌犬牲

鷄人掌鷄牲

附論專席受酢為苟敬

附大夫士正祭體解

豕人官亡

藁人掌藁太日

藁人掌藁太日

藁人掌藁太日

藁人掌藁太日

卷三十三



卷三附小雅二十二篇饗燕攷

詩七月朋酒羔羊之饗

詩鹿鳴燕羣臣嘉賓

詩四牡勞使臣之來

詩皇皇者華遣使臣

詩棠棣燕兄弟

詩伐木燕朋友故舊

天保下報上

詩采芣遺戎役

詩魚麗美萬物盛多

南陔之什六篇亡非

儀禮鄉飲酒工歌之詩

鄉射禮六詩

燕禮江歌之詩

大射禮歌鹿鳴三終

附論九夏去王昭寓環拜

叔孫穆子不拜三夏

大射駒虞經首等節

詩南有嘉魚燕歌

詩崇丘亡

詩南山有臺燕歌

詩由儀亡

詩蓼蕭澤及四海

詩湛露天子燕諸侯

詩彤弓天子錫諸侯

詩菁莪長育人材

變小雅十四篇自六月始

卷三十四

珍用八物

臚人羞豆醢食糝食

醬用百有二十共三條

朝事饋食加羞說共四條

六尊六彝舟壘之數

五日一舉



王齋日三舉三大牢

不舉有云

王以樂侑食

玉藻周禮牢食之異

膳夫授祭品嘗食王乃食

日中夕食奉餘膳祭牢肉

卷凡王之稍事設薦脯醢

王燕飲酒則為獻主

禮酒燕飲酒之異

古諸侯無饗君之禮

附論天子下堂不下堂

饗禮亡孔氏約大射燕禮

饗燕食酒主人之疑

卷三十五

骨體之數 共十四目

陳祥道不解殺烝 共十目

特牲饋食骨體數 共十目

李秀端計特牲飲數

李秀端算牲體之數

偶計王膳用烝牲數

春秋左傳士會殺烝

陳祥道全烝自為二說

國語說金烝房烝殺烝 共四目

增頌籩豆大豆房烝全烝

卷三十六

特牲士禮主人俎

天子賓客禮食

凡祭祀致福受而膳之

新為臣之摯受以給王膳

耆老孤子士庶子之饗

饗士庶子耆老孤子酌數

王膳飲凡二十四官

酒漿籩醢醢醢醢菹女奚



共祭祀史好羞四

共喪紀之度羞

共賓客之禽獸

共四目  
共四目  
共四目  
共四目

共豚膳膏香

共四目  
共四目  
共四目  
共四目

共附五物祭五祀

共三  
共三  
共三  
共三

卷三十七

共備狗次律令

共四目  
共四目  
共四目  
共四目

共論律字義同異

共四目  
共四目  
共四目  
共四目

共史記律書

共四目  
共四目  
共四目  
共四目

共律聽聲唐以來法不傳

論七政二十

史記律書四

八風十母十二子

史記律書五

律教

論史記律書曆書

西漢律歷志

李悝律曰法經六篇

附平糴法

尚書典謨之律

兵刑自伏羲黃帝以來

堯誅三苗五虐

五刑四罪自舜典始

書舜臯陶論刑

胤征政典之刑

書康誥論刑

書立政論刑

書呂命論刑

上刑下服下刑上服辯



明啓刑書

單辭兩辭

名命訓復贖刑之辨

五刑上古起何時

扑作教刑

宮誣刑

原野市朝為三就

卷三十八

易卦刑書攷

其刑上備有并兩刑

無或私家于獄之兩辭

贖刑金鐵之辨

鞭作官刑

古贖罪用銅

隋開皇始除官刑

象刑之辨

文缺

易師出以律否臧凶

古今周禮大司寇

士師之職

司刺三刺三宥三赦

初學記刑罰攷

初學記獄攷

漢刑法志攷二

漢刑法志攷四

漢刑法志攷五

顯王十年壬戌商君變法

周禮小司寇

司刑五刑之教

大小行人司儀掌禮

初學記囚攷

漢刑法志攷一

漢刑法志攷三

附晁公武說

漢刑法志攷六

東萊辨商鞅變法未然



商子來民篇誘三晉

商子定公篇秦置法官

漢刑法志攷七

漢刑法志攷八

漢文斷獄四百

漢刑法志攷九

緹縈上書

漢刑法志攷十

除肉刑

漢刑法志攷十一

漢刑法志攷十二

漢刑法志攷十三

漢刑法志攷十四

漢刑法志攷十五

漢刑法志攷十六

漢刑法志攷十七

漢刑法志攷十八

漢刑法志攷十九

古今政目錄終

漢刑法志攷二十

古今攷卷之二

宋鶴山魏子翁華父撰

紫陽方氏曰萬里續

明謝三賓象三定

高帝紀

鶴山先生曰高帝者何漢五年羣臣上皇帝尊號此

有天下之稱也十二年上謚號曰高皇帝此節惠易

名之謚也人主自號皇帝自秦政始而漢因之謚曰

高皇帝則亦因始皇帝也三皇帝稱號聖人



未嘗言雖三王五伯亦未嘗言僅見平孟氏書戴氏  
禮而禹之為王亦未嘗見凡書之言夏王者皆祭也  
殷人周人之說始自陋儒俗師強為差等矜抗皇號  
於過高而妄意帝稱羞與五伍蓋春秋時吳楚越皆  
稱王矣至于戰國則齊魏韓趙諸君亦稱王王號既  
卑則強者不得不帝於是秦昭王稱西帝齊閔王稱  
東帝尋懼而皆去之復稱王至秦政二十六年遂兼  
皇帝之號然猶遲之以二十六年之久亦見其有未  
慊於心者漢初大抵襲秦以從民望而於典章法度

猥襲秦餘如皇帝之稱最為因陋亦因仍不改于是  
有効尤而動如南越王稱南武帝蓋生而自為謚矣  
極于後世如漢哀帝以方士之說為聖劉太平之號  
唐高宗中宗以武韋二婦人之言有天皇應天之號  
紛紛錯出由是踵為故常姑摘其一二言之唐玄宗  
德宗皆以聖神文武皇帝為號此二君昏僻召亂者  
也而以是稱之又將誰欺德宗尚以為未足乃于未  
泚未平之日徇羣臣之請欲更加二字夫此四言且  
不敢當其一而唐之君後少之乃知後世君臣虛名



侈靡君臣同示愚也成勅曰武王周文田寧王則人  
稱之而已不自居也胡累善積美至十餘字而不厭  
乎賴神宗黜去尊號之請足以洗永載之陋然尚有  
未盡改者謚者節以壹惠也余自唐至于國朝帝謚  
之多至七八字反以字多而難于省記義廣而不能  
取信且姑以六二言如所謂聖神則大而化聖而不  
可知矣猶以為未足也如之以文武抑不知聖神不  
足以統文武耶藉曰書既言之矣又姑舉其一言之  
唐帝之謚莫多於宣宗蓋高祖太宗猶不過七字宣

宗至十有八字豈視諸帝國亦稍優而遂謂元聖至  
明與文武睿知仁神等字無一不備矣如是過於光  
熹三在遠矣而唐業之衰實始于此

漢書

鶴山先生曰漢者何高皇帝起漢中即始王以為代  
號也自義俱以來諸書志可徵者皆有始祖舜雖側微  
然自顓頊以來有國臣瞽瞍失之至夏后氏殷人周  
人似訖于嬴政則皆以始封為代號夏之後為杞至  
楚罈王而後息殷之後為宋至齊湣王而後息周自



始殷訖所報在武抵武代之宗廟血食皆二千餘年  
而秦罷侯置守於是始有由匹夫而有天下者故往  
往無所因襲若時如劉如項如陳不得不以始皇為  
號至魏晉齊梁隋唐以後則率以初國獲成禪代故  
又封爵為號亦與漢異  
高祖  
鶴山先註曰既曰高帝矣此其言高祖何繫之帝即  
謚也繫之祖則廟號也武丁祖甲太甲雖有廟號而  
丁甲以日為紀非謚也由殷而上無謚或以堯舜禹

等為謚非也至殷始有三宗廟號至周始有文武等  
謚至高帝然後一人而有謚有號然謚曰高皇帝廟  
曰高祖猶通一高字也臣文帝以後然後號與謚異  
然猶曰太宗世宗中宗世祖云耳又其後一人之身  
既曰明帝又曰顯宗既曰章帝又曰肅宗不知節謚  
者安所據也明帝猶可宗也又其後也和帝曰宗  
殤帝曰宗安帝曰宗則終漢之世無一而非宗  
者又其後也帝謚少而五亦言多臣十七八言雖有  
博識彊記之士固已不能悉數施諸詔命奏疏亦以



文繁難乎節約其勢必以廟號陵名決之則是其人  
而兼采餘字之義義有相包字猶別出雖有昏僻之  
主猶得仁聖之名施諸當時久已議朝臣之庸鄙書  
諸簡策入復議世道之澆訛相承至今謚為虛設僅  
以陵廟見諸典章又極其事而言之則必如殷三宗  
漢七制無害其為廟號以其有德可宗廟不在迭毀  
之數也和殤安順以來胡為而皆無不可宗之帝有  
天下者知和殤安順亦得為宗則知廟號而承祖  
訛亦不可未達已也

豐沛邑中陽里人

鶴山先生曰此謂泗水郡之屬縣曰沛沛之聚邑曰  
豐其裡曰中陽蓋自秦滅古制郡縣邑里之別茫不  
可攷今姑言之古者大而別之曰九州細而別之則  
自天子諸侯所治皆曰國國之外曰野則六鄉六遂  
與三等采地在焉其得名縣者有三總王畿之內曰  
縣則天子之畿內是也縣即六遂之內有縣凡二千  
五百家測四鄙為縣四遂為縣是也三伯里至四伯  
里為縣則甸稍縣都采也至春秋末趙簡子誓師則



謂吐沃後縣下大夫或郡杜預引澗書作雒篇謂  
千里一縣縣有四郡魯昭五年左氏傳亦云晉有四  
十縣遺守四千乘縣有百乘合乎周書而背周禮未  
知孰為可信本抵皆未是後世之所謂縣至秦孝公  
併邑聚為縣而縣之制始此郡之名不見於經亦始  
見于趙鞅之言乃是縣統郡而不以郡統縣也自秦  
始皇併天下分為三十六郡然後以郡統縣其時縣  
猶有邑在焉故曰豐沛邑里

姓劉此中四里人

鶴山先生曰古未有姓氏併書者春秋傳曰天子建  
國因生以賜姓胙之土而命之氏杜預謂若舜由媯  
汭故陳為媯姓胙之以土而命氏以陳外傳亦曰帝  
嘉禹德賜姓曰姒而氏曰有夏胙四嶽國賜姓曰姜  
而氏曰有呂蓋繫之以姓而命之以氏故子孫雖同  
姓而各別氏也氏又謂之族蓋舉其人則曰華氏向  
氏指其宗則曰戴族栢族若此者可以類求大率姓  
稟之天子族稟之國君然其間容有不賜姓者各從  
其父之姓族如黃帝子二十五人而得姓者纔十有



三是也。又有不稟時君之命而自為氏者。士會之孥  
處秦為劉氏。伍員之子在齊為王孫氏。智伯之將滅  
果自別其族為輔果氏。雖云別氏。然未有總書曰姓  
某氏者。至于後世。則姓氏之制不明。故舉世稱氏為  
姓。而不知別。且同姓別氏。禮所謂百世而婚姻不通  
者。今豈知此。或疑劉氏之始詳見贊末

附論賜姓賜氏賜族之別

紫陽方氏曰：鶴山先生渠陽山中嘗取九經註疏為  
要義。所以為古今攷張本也。古今攷雖不就要義。吾

州有刊本。兵火已亡。而向尚留印本。謹以禮記大傳  
正義附論賜姓賜氏賜族之別者。續于鶴山先生所  
論姓劉氏之後。○要義曰：凡姓族異者。所以族異人  
也。猶萬物皆各有名。以相分別。天子賜姓賜氏。諸侯  
但賜氏。不得賜姓。降于天子也。故隱六年左傳云：無  
駭卒。公問族于眾仲。眾仲對曰：天子建德。因生以賜  
姓。胙之土而命之氏。諸侯以字為氏。因以為族。官有  
世功。則有官族。邑亦如之。以此言之。天子因諸侯先  
祖所生。賜之曰姓。杜預云：若舜生媯汭。賜姓曰媯。封



舜之後於陳以所封國土命為氏舜後姓媯而氏曰  
陳故鄭駁異義云炎帝姓姜大昊之賜也黃帝姓姬  
炎帝之所賜也故堯始賜夷姓曰姜賜禹姓曰姒  
契姓曰子賜稷之姓曰姬著在書傳如鄭此言是天  
子賜姓也諸侯賜卿大夫以氏若同姓公之子曰公  
子公子之子曰公孫公孫之子其親已遠不得直連  
於公故以王父字為氏若適夫人之子則以五十字  
伯仲為氏若魯之仲孫季孫氏也若庶子妾子則以  
五十字為氏則展氏臧氏是也若異姓則以父祖官

及所食之邑為氏以官為氏者司馬司城是也以邑  
為氏者若韓趙魏是也凡賜氏族者必為卿乃賜在  
大功德者生賜以族若叔孫得臣是也雖公子之身  
若有大功德則以公子之字賜以為族若仲遂是也  
若子孫不為卿其君不賜族子孫自以王父字為氏  
也氏族對之為別散則通也故左傳云問族于仲衆  
下云公命以字為展氏是也其姓與氏散亦得通故  
春秋有姜氏子氏姜子者皆姓而為氏是也○曰又  
曰漢高祖封項伯等曰水為列侯賜姓劉氏曰已引



東萊大事記解題在後中有范氏祖禹論其賜婁敬  
姓劉氏卽不論矣以姓為氏以氏為姓漢初已如此  
附論鄭漁仲氏族譜也其書亦不詳也  
紫陽方氏曰鄭樵字漁仲興化軍人號夾淙先生著  
書甚多氏族之書博矣平聲中無回之方氏而有芳  
至以字為氏族中始有方氏謂周大夫方叔之後以  
字為氏也風俗通云方雷氏之後是也謂漢有方賀  
則不然漢公卿有百官表曰方賞為九卿更始之相  
曰方望何以皆不書回之先方紘避王莽之難自河

南徙歙縣子儲儕儼曰儲之孫也後歙縣割東鄉為  
清溪縣今改為淳安縣是也儲墓在淳安縣前  
方塚今攷漢書百官公卿表下孝哀建平元年同  
隸校尉東海方賞君賓為左馮翊二年遷建平三年  
左馮翊方賞為廷尉四年徙元壽二年哀帝之年表  
最下示衍書曰京兆尹清河孫憲子承廷尉方賞為  
左馮翊一年遷此書乃是兩事其京兆尹清河孫  
意其名意其字子承也其書法如上文京兆尹南陽  
翟萌幼仲萌名幼仲也子承之下書廷尉方賞為



左馮翊十年遷明年哀帝崩又孝平五年表絕矣漢  
書此表極好凡十四行上三行漢三公第四行列將  
軍次九行九卿廷尉大理居第五以正亦三行矣  
一行京兆尹左內史右內史左馮翊三官共之方賞  
初以同隸校尉為左馮翊書其鄉貫曰東海書其字  
曰君賓遷廷尉又遷左馮翊在朝凡八年也同讀西  
漢自二十三歲戊申在宋氏館借叢本漢書換玉四  
本讀至今五十餘年矣不見有方賀細思之恐是鄒  
漁仲筆誤或刊本誤以方賞為方賀乎容更攷之

附鄭樵氏族畧序  
自隋唐而上官有簿狀家有譜系官之選舉必由於  
簿狀家之婚姻必由於譜系歷代並有圖譜局置郎  
令史以掌之仍用博通告今之儒知撰譜事凡百官  
族姓之有家狀者則上之官為攷定詳實藏于秘閣  
副在官若私書有濫則糾之以官籍官籍不及則稽  
之以私書此近古之制以繩天下使貴有常尊賤  
等威者也所以人尚譜系之學家藏譜系之書自五  
季以來取士不問家世婚姻不問閥閱故其書散佚



而其學不傳三代之前姓氏分而為二男子稱氏婦  
人稱姓所以別貴賤貴者有氏賤者有名無氏今南  
方諸蠻此道猶存古之諸侯詛辭多曰墜命亡氏  
其國家以明古氏則與奪爵失國同可知其為賤也  
故姓可呼為氏氏不可呼為姓所以別婚姻故有同  
姓異姓庶姓之別氏同姓不同者婚姻可通姓同氏  
不同者婚姻不可通三代之後姓氏合而為一豈所  
以別婚姻而以地望明貴賤于文女生為姓故姓之  
字多從女如姬姜嬴似姚媯媯媯媯媯媯之類是

也所以為婦人之稱如伯姬季姬孟姜叔姜之類並  
稱姓也奈何司馬子長劉知幾為周公為姬且文  
為姬伯乎三代之時無此語也良由三代之後姓氏  
合而為一雖子長知幾二良史猶昧於此姓氏之學  
最盛于唐而國姓無定論林寶作元和姓纂而自姓  
不知所由來漢有鄧氏官譜應劭有氏族篇又有穎  
川太守聊氏萬姓譜魏立九品置中正州大中正  
簿郡中正功曹各有簿狀以備選舉晉宋齊梁因之  
故晉散騎常侍賈弼太保王洪齊衛將軍王儉梁北



中詔議忝軍知撰譜事王僧孺之徒各有伯家譜宋  
何承天誤姓苑與後魏河南官氏志此二書尤為姓  
氏家所宗唐太宗命諸儒撰氏族志二百卷柳冲撰  
大唐姓系錄二百卷路淳有衣冠譜韋述有開元譜  
柳芳有永泰譜柳璨有韻略張九齡有韻譜林寶有  
姓纂邵思有姓解其書雖多槩有三種一種論地望  
一種論聲一種論字論字者則以偏旁為主論聲者  
則以四聲為主論地望者則以貴賤為主然貴賤升  
沉何常之有安得專主地望以偏旁為主者可以為

字書以四聲為主者可以為韻書此皆無與于姓氏  
凡言姓氏者皆本世本公子譜二書二書皆本左傳  
然左氏所明者因生賜姓胙土命氏及以字以諡以  
官以邑五者而已今則不然論得姓受氏者有三十  
三類左氏之言隘矣一曰以國為氏二曰以邑為氏  
天子諸侯建國故以國為氏虞夏商周魯衛齊宋之  
類是也卿大夫立邑故以邑為氏崔盧鮑晏臧費而  
楊之類是也三曰以鄉為氏四曰以亭為氏封建有  
五等之爵降公而為侯降侯而為伯降伯而為子降



子而為男亦有五等之封降國侯而為邑侯降邑侯  
而為關內侯降關內侯而為鄉侯降鄉侯而為亭侯  
學者但知五等之爵而不究五等之封關內邑者  
原蘇毛其樊祭尹之類是也俱附邑類更不別著裴  
陸龐闔之類封於鄉者故以鄉氏麋采歐陽之類封  
於亭者故以亭氏五曰以地為氏有封土者以封土  
命氏無封土者以地居命氏蓋不得受氏之人或有  
善惡顯著族類繁盛故因其所居之所而呼之則為  
命氏焉居傅巖者為傅氏徒稽山者為稽氏主東蒙

之祀則為蒙氏守橋山之家則為橋氏彫氏因彫班  
食於彫門穎氏因放叔為穎谷封人東門襄仲為東  
門氏桐門右師為桐門氏皆祀道也隱逸之人高  
林藪居于角里者呼之為角里氏居于綺里者呼之  
為綺里氏所以為美也娼優之人取媚酒食居于社  
南者呼之為社南氏居于社北者呼之為社北氏所  
以為賤也又如介之推燭之武求必無氏由國人  
取信也故特標其地以異於眾凡以地命氏者不一  
而足六曰以姓為氏姓之為氏與地之為氏其初



也皆因所居而命得賜者為姓不得賜者為地居於  
姚墟者賜以姚居於羸濱者賜以羸姬之得賜居於  
姬水故也姜之得賜居於姜水故也故曰因生以賜  
姓七曰以字為氏八曰以名為氏九曰以次為氏凡  
諸侯之子稱公子公子之子稱公孫公孫之子不可  
復言公孫則以王父字為氏如鄭穆公之子曰公子  
駟字子駟其子曰公孫夏其孫則曰駟帶駟乞宋威  
公之子曰公子目夷字子魚其子曰公孫友其孫則  
曰魚萬魚石此之謂以王父字為氏無字者則以名

魯孝公之子曰公子展其子曰公孫夷伯其孫則曰  
展無駭展禽鄭穆公之子曰公子豐其子曰公孫段  
其孫則曰豐卷豐施以諸侯之子也天子之子亦然  
王子狐之後為狐氏王子朝之後為朝氏是也無字  
者以名然亦有不以字而以名者如樊皮字仲文其  
後以及為氏伍員字子胥其後以員為氏皆由以名  
行故也亦有不以王父字為氏而以父字為氏者如  
公子遂之子曰公孫歸父字子家其後為子家氏是  
也又如公孫枝字子桑其後為子桑氏者是也亦有



不以王父名為氏而以父名為氏者如公牙之子  
曰公孫茲字戴伯其後為茲氏是也又如季公鉏字  
子彌其後為公鉏氏者亦是也以其字為氏者不  
而足左氏祖記王父字而起以次為氏者長幼之次  
也伯仲叔季之類亦是也次亦為字人生其始也皆  
以長幼呼級乎往來既多既親稍衆則長幼有不勝  
呼然後命字焉長幼之次可于家裏而已此次與字  
之別也所以魯國三家皆以次命氏而亦謂之字焉  
良由三家同出其始也一家之人焉故以長幼稱十

曰以族為氏按左傳云為謚因以為族又按楚辭云  
昭屈景楚之三族也昭氏景氏則以氏為族者也屈  
氏者因王子瑕食邑于屈初不因謚則知為族之道  
多矣不可專言謚也族近于次族者氏之別也以親  
別疏以小別大以異別同以此別彼孟氏仲氏以兄  
弟別也伯氏叔氏以長少別也下氏癸氏以先後別  
也祖氏禰氏以上下別也第五氏第八氏同居之別  
也南公氏南伯氏同稱之別也孔氏子孔氏旗氏子  
旗氏字之別也軒氏軒轅氏熊氏熊相氏各之別也



季氏之有季孫氏仲氏之有仲孫氏叔氏之有叔孫氏適庶之別也韓氏之有韓餘氏傅氏之有傅餘氏梁氏之有梁餘氏餘子之別也遂人之族分而為四商人之族分而為七此支分之別也齊有五王合而為一謂之五王氏楚有列宗合而為一謂之列宗氏此同條之別也公孫歸父字子家襄仲之子也歸父有二子一以王父字襄仲為仲氏一以父字子家為子家氏公子郢字子南其後為子南氏而復有子郢氏伏羲之後有伏羲二氏同音異文共叔段之後有

共氏又有叔氏又有段氏凡此類無非辨族十一曰以官為氏十二曰以爵為氏有官者以官無官者以爵如周公之兄弟周公為太宰康叔為司空聃季為司空是皆有才能可任以官者也五叔無官是皆無才能不可任以官者也然文王之子武王周公之兄弟雖曰無官而未嘗無爵士如此之類乃氏以爵焉以官為氏者太史太師司馬司空之類是也雲氏煥氏籍氏錢氏之類亦是也以爵為氏皇王公侯是也公乘公是小史庶長亦是也十三曰以凶德為氏十



四日以吉德為氏此不論官爵惟以善惡顯著者為之  
以吉德為氏者如趙衰人愛之如冬日其後為冬  
日氏古有賢人為人所尊尚號為老成子其後為老  
成氏以凶德為氏者如英布被黥為黥氏楊感梟首  
為梟氏齊武惡巴東王蕭響為同姓故改蕭為峭後  
魏惡安樂王元鑒為同姓故改元為元十五日以技  
為氏此不論行而論能巫者之後為巫氏屠者之後  
為屠氏卜人之後為卜氏匠人之後為匠氏以至豢  
龍為氏御龍為氏于將為氏鳥洛為氏者亦莫不然

十六日以事為氏此又不論行能但因其事而命之  
耳夏后氏遭有窮之難后婚方娠逃出自竇而生少  
康支孫以竇為氏漢武帝時田千秋為丞相以年老  
詔乘小車出入省中時號車丞相其後因以車為氏  
微子乘白馬朝周茲白馬氏之所始也魏初平中有  
隱者常乘青牛號青牛先生茲青牛氏之所始也十  
七日以謚為氏周人以諱事神謚法所由立生有爵  
死有謚貴者之事也氏乃貴稱故謚亦可以為氏莊  
氏出于楚莊王僖氏出于魯僖公康氏者衛康叔之



後也宣氏者魯宣伯之後也文氏武氏哀氏繆氏之類皆氏于謚者也凡復姓者所以明族也一字足以明此不足以明彼故益一字然後見風族之義言王氏則濫矣本其所系而言則有王叔氏王孫氏言公氏則濫矣本其所系而言則有公子氏公孫氏故十八曰以爵系為氏唐氏雖出于堯而唐孫氏又為堯之別族滕氏雖出於叔綉而滕叔氏又為叔綉之別族故十九曰以國系為氏季友之後傳家則稱季孫不傳家則去孫稱季叔牙之後傳家則稱叔孫不傳

家則去孫稱叔故二十曰以族系為氏士季者字也有士氏又別出為士季氏伍參者名也有伍氏又別出為伍參氏此以名氏為氏者也又有如韓嬰者本出韓國加國以名為韓嬰氏如臧會者本出臧邑加邑以名為臧會氏如屠住者本出住鄉加鄉以名為屠住氏故二十一曰以名氏為氏而國邑鄉附焉禹之後為夏氏杞杞後奔魯受爵為侯又有夏侯氏出焉媯姓之國為息氏公子邊受爵為大夫又有息夫氏出焉此以國爵為氏者也白氏舊國也楚人取而



邑之以其後為白侯氏故二十二曰以國爵為氏而  
邑爵附焉原氏以周邑而得氏申氏以楚邑而得氏  
及原如伯為原伯氏以別于原氏申如叔為申叔氏  
以別於申氏是之謂以邑系為氏魯有沂邑因沂大  
夫相魯而以沂相為氏周有甘邑因甘平公為玉卿  
士而以甘世為氏故二十三曰以邑系為氏而邑官  
附焉師氏者太師氏也史氏者太史氏也師延之後  
為師延氏史晁之後為史晁氏此以名隸官是之謂  
以官名為氏呂不韋為秦相子孫為呂相氏酈食其

之後為食其氏曾孫武為侍中後為侍中氏此以官  
氏為氏者也故二十四曰以官名為氏而官氏附焉  
以謚為氏所以別族也邑而加謚如苦成子之後為  
苦城氏臧文仲之後為臧文氏氏而加謚者如楚釐  
子之後為釐子氏鄭共叔之後為共叔氏爵而加謚  
者如衛城公之後為城公氏楚成王之後為成王氏  
故二十五曰以邑謚為氏二十六曰以謚氏為氏二  
十七曰以爵謚為氏按古今著複姓之書多矣未有  
能明其義者也有申國之複姓有夷狄之複姓中國



之複姓所以明族有重複之義二字具二義也以中國無衍語一信見一義夷狄多侈辭教言見一義夷狄有複姓有侈辭也一言不能具一義必假數言而後一義具焉其於氏也則有二字氏有三字氏有四字氏其於音也則有二合音有三合音有四合音觀譯經潤文之義則知侈辭之道焉臣昔論中國亦有二合之音如者焉二合為旃者與二合為諸之類是也惟無三合四合之音今論中國亦有二字之氏惟無三字四字之氏此亦形聲之道自然相應者也二

十八曰代北複姓二十九曰關西複姓三十曰諸方複姓此皆夷狄二字姓也三十一曰代北三字姓侯莫陳之類是也三十二曰代北四字姓自死獨膊之類是也此外則有四聲又有複姓四聲者以氏族而不得其所系之本乃分為四聲以統之複姓者以諸有複姓而不得其所系之本者則附四聲之後氏族之道終焉五帝之前無國號有國者不稱國惟以名為氏所謂無懷氏為天氏伏羲氏燧人氏者也至神農氏軒轅氏雖曰炎帝黃帝而猶以名為氏然不稱



國至二帝而後國號唐虞也夏商因之雖有國號而  
天子世世稱名至周而後諱各用謚由是氏族之道  
生焉最明著者春秋之時也春秋之時諸侯稱國未  
嘗稱氏惟楚國之君世稱熊氏荆蠻之道也支庶稱  
氏未嘗稱國或適他國則稱國如宋公子朝在衛則  
稱宋朝衛公孫鞅在秦則稱衛鞅是也秦滅六國諸  
侯子孫皆為民庶或以國為氏或以姓為氏或以民  
為氏姓氏之失自此始故楚之子孫可稱楚亦可稱  
早周之子孫可稱周亦可稱姬又如姚恢改姓為媯

媯號改姓為姚茲姓與氏渾而為一者也自漢至唐  
世有典籍討論茲事然皆出于一時之意不知澄本  
正源每一書成怨望紛起臣今此書則不然帝王列  
國世系之次本之史記實建國之宗諸家世系之次  
本之春秋世本實受氏之宗也

附陳宓鄭樵通畧序

夾漈先生諱樵字漁仲莆郡游洋人不入場屋屏跡  
山林精心簡編是以六藝之文百家之學無不通貫  
古今而著書立言誠有功於後學不細也二舉孝廉



再舉遺逸先生力辭浩然以道自任中興天子復因  
經筵列薦慨想渡江人物有詔特起賜對之日漏下  
十餘刻玉音稱賞曰見卿議論高遠使朕自然忘倦  
先生秦以三十年所著之書五十種及取歷代史始  
自三皇迄于隋季總而名之曰通志首陳班固斷代  
作史之失其間又有二十畧貫通人間所未見之書  
上甚嘉之且有敷陳古學自成一家恨見卿晚之論  
即命以官主管禮兵部架閣文字先生立丐祠還山  
仍給筆劄修史及繕寫工件成書二伯卷趨造於朝

就除樞密院編修兼權檢詳諸房文字官尋又命繳  
進通志通略而先生俄以疾卒遂不果進太學生朱  
壽箕等三伯人為文以祭曰所謂詞林根葉十年盡  
學海波瀾一夜枯其餘非無二卉一木之秀一時  
澤之麗皆不足以補先生之萬一然其人則古其書  
與名直宇宙莫得而踰時子晞翁方八齡家藏餘藁  
未見散逸必先君正獻與先生道義不薄過庭有訓  
習聞先生言論風旨每每有文獻不足之歎必近奈  
朝列迪於同朝所藏故書中得觀通志通畧全書尚



無恙也則知先生精神志術萃在五十畧聞所未聞  
見所未見從此傳之四方以垂不朽矣因感先君葬  
言起敬先生之學謹書通畧之後嘉定癸亥年八月吉  
日郡人陳宓其子陳嗣孫其孫陳德其孫陳德其孫  
附鄭漁仲二十畧生之畧也然其畧亦其畧也  
紫陽方氏曰鄭漁仲二十畧天文三卷地理一卷都  
邑一卷氏族六卷禮四卷樂三卷職官七卷選舉三  
卷食貨二卷刑法一卷謚一卷六書一卷七音二卷  
藝文八卷圖譜一卷校讎一卷器服一卷金石一卷

災祥一卷昆蟲草木三卷  
前二十畧子家有之今畧中借之張仲真欲以其  
氏族畧之序附鶴山先生所攷姓劉氏之後而若  
於太多氏族之說備矣其六卷太多則尤不可附  
也如錢攷以洪文安公畧志參之備矣而畧志亦  
不可附於錢攷之後他做此既又以陳後齋二十  
畧序附此漁仲之書氏族為最所謂通志五十種  
二百卷俟求之今未見也  
母媪父太公



鶴山先生曰古者父為士子為天子諸侯祭以天子諸侯其尸服以士服蓋天子諸侯之有父者鮮矣儀禮喪服有為君之父母祖父母期則君固有父在者第始封之君則有之天子之父則罕嘗喪之卒不知何時此不可攷武王滅殷則文考已歿故拜取太王王季為王迹所由興者而追王焉漢高帝起自亭長祖豐公父太公皆不知名母媪不知姓與前代之典紀異古人有謂父為太公者雖不見于經而齊世家云西伯獵遇呂尚曰吾太公望子久矣故號曰太公

望以此知太公者古人以為父稱文之時有爵者稱公至楚縣尹為公晉大夫伯有稱公蓋名稱已紊至秦時滋不可制故亭長之父亦稱公至後漢章帝紀祠太上皇于萬年注名熹他官反一名執嘉此不知何所據而遷固乃不及之恐未可信也自章帝以後尊先媪曰昭靈夫人蓋自初起兵時媪已卒於小黃北矣既有天下惟父獨存而止稱太公非敢忘之以古無此典耳秦官封父因家令言始創太上皇之號以隆之不惟古制所無且古亦未有太字後人加點以別大



字於是人主之父母皆曰太至于祖母則曰帝太后  
或曰太皇太后夫皇云者祭祀之所稱太云者後世  
以為父卒母存之號今用之人主之父母則無所忌  
蓋所沿襲者久矣其後昭靈為后高祖之兄之姊之  
女皆追尊為王后而最可惟者高祖之伯嫂曰陰安  
侯仲嫂皆王后豈陰安尚有撩釜之憾故下后一等  
耶名稱之不正莫甚于此自是而後則天子之妾母  
若本生父母皆有生封死贈之文晉魏以後則為著  
令文武官各得以品秩封贈父母太非古矣蓋追策

追命追祀春秋時雖已有之然出于王朝所錫未有  
法令以自陳者况以三歲一贈無所限極墓中士服  
而廟象公衮者有之此于禮奚據故鄭康成謂追王  
者以王禮改葬蓋疑名與服異使如後世三歲一贈  
則死者數罹發掘之害亦不得一安于其土矣

### 隆準龍顏

鶴山先生曰準于五則為揆平取正之器所謂繩直  
生準是也亦所以協樂律而史紀謂始皇長準高祖  
隆準皆相承為鼻豈面目以是取正耶經傳有頽有



角未有稱顏者曰顏曰顏亦後世之稱史冊用字之  
訛如此類甚衆本不足辨姑一及之以見風氣既隆  
稱謂亦舛曰

試吏廷中吏

鶴山先生曰古者三公曰三吏卿大夫士以及邦國  
之仕者皆曰群吏而別為府史胥徒賈奚之屬以異  
貴賤府史胥徒無吏稱也至此始混為一區

亭長

亭有兩卒一為亭父掌開閉掃除一為求盜掌逐捕盜賊

鶴山先生曰周制五家為比五比為閭四閭為族五

族為黨五黨為州五州為鄉秦人易之千里一亭十  
亭一鄉蓋田制壞而鄉治廢專以譏防征商檢柅盜  
賊為事而先王相保相愛相酬相貫之實政無復有

存者矣

此下有漢興猶及四字而未有續文

曰大嘗從王媪武負貫酒

鶴山先生曰古者戒群飲使薄氏紀酒未聞使民為  
酒以自粥也私粥不已民相與爭利則暴君汗吏必

至權酷蓋此時實啓之

蕭何為主吏主進令諸大夫



鶴山先生曰按顏氏注大夫容之貴者夫大夫之稱  
至隆極貴豈沛縣吏民可得而過稱乎公邑長亦曰  
大夫蕭叔大夫之類是也卿亦號大夫單伯會伐宋  
傳云周大夫而記亦曰諸侯之上大夫卿是也孤亦  
曰大夫春秋稱宋人殺其大夫是也公亦曰大夫詩  
謂三事大夫是也韓信謂諸軍為士大夫容有軍吏  
在焉要是自春秋以後名多混亂矣

賀錢萬  
鶴山先生曰詩所謂錢蓋農器也其聲以帛幣為錢

不知自何時始小學書亦無此字史記平準書載虞  
夏之幣三品管子論禹湯以金鑄幣未有錢之名也  
至管子國語呂氏春秋史漢則周齊秦晉楚趙之幣  
皆名錢矣

呂公好相人

鶴山先生曰相人二字始見于左氏文公元年傳內  
史叔服能相人至荀卿始為書非之然未得其要太  
抵呂公能相高祖之當貴而不能相呂后之覆宗此  
大學曰人莫知其子之惡其是之謂歟曰贊



高祖為亭長素易諸吏乃給為謁曰賀錢萬實  
不持一錢謁入呂公大驚起迎之門  
鶴山先生曰古者歲時月吉以禮會民必讀法必習  
射必行飲酒之禮所以申之孝悌書其德行道藝非  
以事娛樂也所謂周禮其猶醵與則古亦有合錢飲  
酒之禮特民自為樂耳今縣有重客而民得持錢入  
縣縣遣功曹主進滿千錢者升之堂上不則退之堂  
下惟商賈賄不問齒德亭長以警盜送徒為事亦一  
役民耳安得而虛聲給謁恐喝重客使起迎之門遂

坐上坐且上坐賓位也今一亭長以氣奪之絕無鄉  
飲謀賓澹臺以公事造偃之意風俗之壞久矣而史  
書之為美談  
魯元公主  
鶴山先生曰韋昭以元為謚顏籀非之劉放曰此史  
臣追書也是皆非聞古者婦人有以字配姓如伯姬  
仲子孟姜李羸之等是也有以氏以姓者魯國姜是  
也有以姓繫之夫氏者衛孔姬晉趙姬之等是也有  
以姓繫夫爵如楚息媯齊棠姜魯秦姬之等是也又



越禮而妄自為謚則齊吳姬昭姬魯聲子秦穆姬衛  
莊姜之等是也有繫之子如陳夏姬宋景曹是也又  
有越禮而妄自為謚則齊吳姬昭姬魯聲子出姜晉  
辰嬴衛戴嬀等不可勝數魯元以生而封魯死而追  
謚名之不正甚矣使之之國則古者邑于謝則歸謝  
邦于蔡則治蔡若假之名而實不往其於義也何居  
必責之就國則婦無與公事使以魯爵而居趙古亦  
未有此此一時率意變古極於後世有父為秦公而  
母為魏國夫人者以秦公之妻而爵之魏則疑於再

適矣有一婦人而封兩大國者則疑於兩從矣至於  
國朝則命婦封爵之不正與后之有謚猶如舊制惟  
后謚以上一字繫之帝此亦稍得禮意公卿大夫士  
之妻無謚始為合禮公主之稱雖非古亦周女下嫁  
命魯主昏之意

老父相呂后曰夫人天下貴人

鶴山先生曰古者邦君之妻曰夫人人稱之曰君夫  
人卿大夫妻曰內子人亦曰內子夫人之號無敢竊  
也今亭長之妻容稱之曰夫人然則過相稱謂不知



始子何時雖春秋將亦未有此流及後世則夫人遂  
為貴賤之通稱亦曰高祖為亭長以竹皮為冠及貴常冠所謂劉氏  
秋以後如鶻冠翠被胡服之屬已皆先王之所禁余  
以亭長自為竹皮冠亦見王制之不明人皆得以率  
情妄作其後爵公乘以上方得冠劉氏冠一時之為  
一人之見而遂以儕于先王之命服服之日更月變

而不復先王之舊蓋日改月化民由之而不知可勝  
嘆夫

高祖為亭長為縣送徒驪山

鶴山先生曰送徒驪山秦政自營墳墓也然古之帝  
王未始有是劉向曰黃帝葬橋山堯葬濟陰丘壠皆  
小墓具甚微舜葬蒼梧二妃不從禹葬會稽不改其  
列文武周公葬于畢皆無丘壠之處雖然此僅言薄  
葬耳而經傳咸無帝王自營墳墓之文攷之議禮則  
自始死小斂大斂殯奠後始記筮宅然則筮宅蓋生



者之事也或曰事不預定而取辦于倉卒可乎曰古  
之葬與今異冢人掌公墓之地辨其兆域而為之圖  
先王之葬居中以昭穆為左右若文王葬于畢則子  
孫皆就而葬之文王居中武王為昭居左成王為穆  
居右則兆域之列固有定序下至公卿大夫皆以爵  
列為封丘之度雖萬民墓地亦墓大夫掌之蓋自天  
至于庶人未有不族葬而序列者天兆域既有  
定序丘封亦有定制非如後世有某山某水之說則  
取辦於殯斂設奠之後乃人情事理之當然自吳闔

閭秦惠文以來五王始大作丘壠多其瘞藏至秦政  
自為驪山又加於前用吏徒數十萬人曠日者十年  
上崇山墳下錮三泉其高五十餘丈周回五里餘石  
椁為游館入膏為燈燭水銀為江海黃金為鳧鴈被  
以珠玉飾以翡翠中成觀遊上成山林慮人之窺伺  
也則為機械之變以射穿掘之人慮為機者之泄也  
則生糞工匠慮無與其樂也則多殺宮人以實之  
曾未幾何外被項籍之災內罹牧豎之禍然則役徒  
數十萬祇以自戮其屍焉耳矣錄是以後襲為故常



漢之陵與廟率是人主自為之  
高祖送徒驪山徒多道亡自度比至皆亡之夜  
皆解縱所送徒徒中壯士願從者十餘人  
鶴山先生曰古者井牧之制脩則五家為比五比為  
閭四閭為族五族為黨五黨為州五州為鄉絲聯繩  
貫有保有愛不惟寓親睦之意亦以察奸宄之萌井  
間有遂遂上有徑溝上有吟洫上有涂澮上有道川  
上有路以達于畿不惟為潏泄之計亦以嚴出入之  
限蓋衍旅之往來有節然後可以遮國民之轉徙有

授然後可以出鄉而謀賊之人相賊之人鬪鬪之人  
不時不物之人各官以察之當是時也使有驪山亡  
徒一人則必有搏而執之寧聽其肆行阡陌間而無  
所忌憚與高帝身履其事而不知變秦以復于古蓋  
自是而後門閭道路之政戶口客主之數徒為其文  
豈惟無復賙郵親睦之意雖鬼奸隱慝無由察知民  
立乎履載之間自死自生自往自來縣官不以為事  
而君師之責廢矣

秦二世元年陳勝起斬



鶴山先生曰自秦以來未有以全盛之天下十五年而亡者亦未有隴上之耕夫無尺寸之資以取天下者此罷封建廢井田之明驗也古者封國之制計不易之田以為都畿田方千里公侯田方百里伯七十里子男田五十里不能五十里附于諸侯曰附庸其山林陵麓川澤各隨田以為封疆之界大抵制國不過千乘都城不過百雉家富不過百乘五國以為屬屬有長十國以為連連有帥三十國以為卒卒有正二百一十國以為州州有伯天子賜之弓矢然後得

專征賜之斧鉞然後得專殺天子遣諸侯曰巡守巡所守也春省耕而補不足秋省斂而助不給入其疆土地闢田野治養老尊賢俊傑在位則有慶慶以地反是則有責一不朝則貶其爵再不朝則削其地三不朝則六師移之諸侯朝于天子曰述職述所職也唐虞三代其制各異或五載一巡狩羣后肆朝或比年一小聘三年一大聘五年一朝或六年五服一朝又六年王乃時巡制雖小異天抵東南西北朝聘循環天子無踰時不與四方諸侯接四方諸侯無踰年



不稟命于天子此間誠心有公道正侯度達民隱故  
能君無失道臣無干紀民無覬覦喬無謀夏此封國  
之大略也方里為井一井八家為田九百畝四百為  
邑四邑為丘四丘為甸凡六十四井一丘之賦戎馬  
一匹牛三頭四甸為縣四縣為都蓋甸地方八里八  
一成之賦長轂一乘甲士三人步卒七十二人八百夫中  
取七十五人亦五家為比五比為閭四閭為族五族  
什一之法也為黨五黨為州五州為鄉六鄉出車百乘六遂亦百

乘五以為伍五伍為兩四兩為卒五卒為旅五旅為  
師五師為軍總萬二千五百人千乘之車步卒甲士  
七萬五千人是為六軍天子提封百萬井出車萬乘  
為六軍者十大都之田方三十二里為井一千有奇  
為大家八萬出車百乘步卒甲士七千五百人為師  
者三是故天子萬乘言車數也諸侯千乘大夫百乘  
言夫數也

已上一序二十段並依鶴山親筆編諸此其冊外  
篆初藁二字又有四段立題未著文今不錄



毋媪夢與神遊

鶴山元書此題而文缺今同以  
意補之加紫陽方氏曰五字後  
此皆同所換不再書此五  
字或引古于先則後書之

紫陽方氏曰帝王之生固不偶然好事者多從而附益之則恠以傳怪生民之詩謂姜嫄之生后稷也履大人之迹歆然身動如孕不假人道而生列子史記皆有異言朱文公則疑履帝武敏歆攸攸止歆字在上下句之間皆不成文蓋心不然之也文公又按毛公之說不過謂姜嫄出祀郊禘履帝馨之迹而行將事齊敏而已然無如鄭玄之箋本諸列子史記之

妄何文公謂諸儒多是毛公而非鄭亦謂鄭非臆說以其有所本也同則謂列子史記皆不足信惟誕寘之隘卷平林寒水一章若姜嫄嘗棄后稷而不子者故或者得以神其說同謂姜嫄當時恐不無鄭莊公寤生之驚而惡之故有不舉之意厥初祀郊禘以求子焉得無人道而虛求之詩有先生如達一句足證也蓋以其生之時忽然而墮故其家異之耳以敏字訓為足大指豈非好怪而至乎此歟同斷然以為稷之名棄不過有如莊姜之惡而棄之所以招此怪說




也玄鳥之詩天命玄鳥降而生商毛公止謂春分玄鳥時降有姚氏女簡狄配高辛氏帝帝率與之游于高禖而生契無他異也又不幸而鄭玄為箋亦本史記等書謂玄鳥遺卵簡狄吞之而生契又玄之為人酷信哀平間讖緯之書當是時引讖緯而隱其所本近世呂成公讀詩記但存毛傳盡刪鄭箋良以人類生育決無吞一燕卵而能生子之理也此二說者既明則劉邦之生決無夢與神交而生之理史記書曰毋媪嘗息大澤之陂夢與神遇是時雷電晦冥父太

公往視則見交龍於上也而有娠然則媪之所夢者神也而非龍太公之所見者交龍也而不見其神交龍恐是兩龍相交于大澤之上而媪適偃息其下兩不相關今醫家言夢與鬼交男子婦人獨宿而有淫思則必夢中有之皆夢人也非夢鬼也此媪之非心邪念夢中所見亦必人而已矣龍交陂上自有其偶好事之人喜竒嗜怪見劉邦起于亭長為王為帝則相與扶合附會以說其異竒如是言則漢高非太公之子乃龍之子也龍之精血合交於其類而生卵然



後卵中出龍今託于人體而變為人無是理也太公  
呂后求漢高所居上常有雲氣范增謂吾使人望其  
氣皆為龍成五色漢儒陋習惑於俗傳而司馬遷尤  
好奇採以成史班固因之不能改知道君子於此等  
詭妄皆一切掃除而勿信可也



不勝其多... 司馬遷... 漢高祖... 呂后... 范增... 望其氣... 皆為龍... 成五色... 漢儒... 陋習... 惑於俗傳... 而司馬遷尤... 好奇採以成史... 班固因之不能改... 知道君子於此等... 詭妄皆一切掃除而勿信可也



